

1

HARVARD COLLEGE LIBRARY  
FROM THE  
HARVARD-YENCHING  
INSTITUTE

AUG 30 1929

Ch LR 9299.114 2

~~Ch L 9801.114~~

~~Ch L 9801.114~~

79299 / 114



Blank page with faint bleed-through text from the reverse side.

Blank page.



三才圖會序



天下之道見於言者六經盡  
之矣見於象者羲之畫河之  
圖洛之書盡之矣然洪荒之  
初文字草昧自龍圖告靈而  
後畫繼之疇又繼之六經益



瞠乎後耳是圖又爲吾道開  
山宜與六經並傳不刊者也  
浸淫叔季二氏迭興諸子百  
家分門競進六經第假以博  
青紫猶爲僅存然幾於芻狗  
益母論圖矣雲間侍御王公

嗜學好古沉酣仰屋之業仲  
子思義能讀父書旣數應鄉  
舉不利遂謝去帖括以著述  
世其家嘗廣搜博采輯所謂  
三才圖會上自天文下至地  
理中及人物精而禮樂經史



粗而宮室舟車幻而神仙鬼  
怪遠而卉服鳥章重而珍奇  
玩好細而飛潛動植悉假虎  
頭之手效神姦之象卷帙盈  
百號爲圖海方今人事梨棗  
富可汗牛而未有如此書之

初見者也然凡物或強或羸  
或載或墮聞道一也而有行  
與笑之殊故圖之益有二而  
圖之窮亦有二君子貴多識  
一物不知漆園以爲視肉撮  
囊且儒者不云乎致知在格



物按圖而索而上天下地往  
古來今靡不若列眉指掌是  
亦格物之一端爲益一也萬  
物鼓鑄於洪鈞形形色色不  
可以文字揣摩留侯狀貌如  
婦人好女匪圖是披將以爲

魁梧竒偉一大男子食蟹者  
儻盡信書直爲勸學死耳得  
是圖而存之無俟讀書半豹  
而眼中具大見識鴻乙無誤  
爲益二也然鐘鼓不以饗爰  
居而冠冕不以適裸國方今



圖不以課士士又安用圖爲  
是亦爰居之鐘鼓裸國之冠  
冕也爲圖一窮筆精墨妙爲  
吾輩千古生涯子雲且薄爲  
小技矧圖涉丹青之事卽童  
稚且嬉戲視之孰肯尊信如

古人所謂左圖右史者乎是  
爲圖二窮然天下有有用之  
用無用之用世終不以爰居  
廢鐘鼓裸國棄冠冕庸衆之  
所忽高明之所忌是輯圖意  
也蓋經中如易繫辭之紀法



象書禹貢之寫山川則文中  
之圖圖悉其形并志其義則  
圖中之文參合並觀而龜龍  
之秘盡在楮墨間矣

萬曆歲次己酉嘉平之吉

賜進士第中憲大夫都察院

右僉都御史奉

勅總理糧儲提督軍務兼巡  
撫應天等府地方臨川周  
孔教誥





三才圖會總目

天文四卷

地理十六卷

人物十四卷

時令四卷

宮室四卷

器用十二卷

身體七卷

衣服三卷





人事十卷

儀制八卷

珍寶二卷

文史四卷

鳥獸六卷

草木十二卷

一卷至四卷

天文圖會

卷一函



第一函

天文圖會

一卷至四卷

天文圖序

古者圖書竝傳學多考信後世習於譚空倦於  
稽寔而圖始廢圖廢而天地間一切名物事理  
遂若存若亡於搏風縛影者之手而漸訛漸亂  
於覆射懸斷者之談可勝慨哉 學憲王公軫  
懷已久手訂通考圖彙兩書以垂憲百代通考  
業已行世圖彙則以授名明次君使卒其業允  
明復廣蒐而詳核之書破萬卷歲易十霜藁始



就緒上而天文下而郡邑山川邊關絕塞旁及  
禮樂兵農之制與夫草木鳥獸鱗介之繁靡不  
入譜洋洋大觀哉非特博雅折衷之林亦經濟  
必資之業也其卷帙幾與通考埒未及盡付殺  
青先梓其天文以行議者謂茫茫員蓋隸首莫  
殫而欲以區區赫蹠括之得無有索駿之誚乎  
余謂不然古談天者三家獨渾天稱最著後世  
落下閔耿壽昌諸君皆祖其說而鑄爲象以爲

觀之之道畫此二乃堯命羲和必曰曆象曆又  
何以先象乎夫曆者上古神聖仰觀冥契正黃  
道察微歛行日月步五緯之圖史也圖史具有  
爰始假象窺占然則象生於曆者也非以生曆  
也譬之權衡然則錙兩鈞石定而後得以進退  
低昂之謂因衡置權乎謂因權置衡乎不待聚  
訟明矣假令恃象廢曆是操權而折衡也璣璇  
雖巧矐審罔覩將安用哉固知曆之重於象已



此編蓋古圖史之遺觀天者所必準孰能廢諸  
光明父子兄弟日夜聚首揚摧風雅雌黃古今  
一時著述之富逾於青箱行見太史奏德星聚  
海上乎又安用余言聊述作者之意於簡末耳  
華亭李庭對聞斯甫頓首題

三才圖會卷之一

哈佛大學  
哈佛燕京  
圖書館  
珍藏印

雲間元翰

王圻纂集

曾孫爾賓重較

天文一

天文總圖



太微垣圖

紫微垣圖

天市垣圖



天文總圖





總敘

古之言天者凡八家一曰渾天卽今所載張衡靈憲經是也二曰宣夜絕無師學三曰蓋天周髀所載四曰軒天姚信所說五曰穹天虞聳所擬六曰安天虞喜所述七曰方天王充所論八曰四天秩胡寓言獨渾天一家最爲近理故李淳風獨取靈憲經載之乙巳占首其文曰昔在先王將步天路用定靈軌尋緒本元先準之于渾體是焉正儀立度而皇極有道建也樞運有道稽也乃建乃稽斯經天常聖人無心因茲以生心故靈憲作興曰太素之前幽清

玄靜寂寞冥默不可爲象厥中惟虛厥外惟無如是者永  
久焉斯謂冥滓蓋乃道之根也道根旣建自無而有太素  
始萌而未兆并氣同色混沌不分故道德之言云有物渾  
成先天地生其體故未可得而形也其遲速故未可得而  
紀也如是者亦永久焉斯謂龐鴻蓋乃道之幹也道幹旣  
育有物成體於是元氣剖判剛柔始分清濁異位天成於  
外地定於內天體於陽故圓以動地體於陰故平以靜動  
以行施靜以合化堙鬱含精時育庶類斯謂天元蓋乃道  
之實也在天成象在地成形天有九位地有九域天有三



辰地有三形有象可效有形可度情性萬殊旁通咸溥自然相生莫之能紀于是人之精者作聖寔始紀綱經緯天地八極之維徑二億三萬二千三百里南非則短減千里東西則廣增千里自地至天半於八極則地之深亦如之通而度之則是渾矣將覈其數用重勾肱懸天之景薄地之儀皆移千里而差一寸得之過此而往者未之或知未之或知者宇宙之謂也宇之表無極宙之端無窮天有兩儀以儔道中其可觀者樞星是也謂之北極在南者不著故聖人弗之名焉其世之遂元分而減二陽道左迴故天

運左行有驗於物則人氣左瀝而形左繚也天以陽迴地以陰瀉是故天致其動稟氣舒光地致其靜待施俟明天以順動不失其中則四序順致寒暑不忒死生有節故品物用生地以靈靜作合承天清化致養四時而後育故品物用成凡至大莫若天至厚莫若地至質者曰地而已至多莫若水水精爲漢周於天而無別焉期以啓也地有山嶽以宣其氣精鍾爲星星也者體生于地精成于天列居錯峙各有道屬紫宮爲皇極之居太微爲五帝之庭初堂之房大角有席天市有座蒼龍連蜷於左白虎踞於右



朱雀奮翼於前靈龜圈首於後黃帝軒轅於中六擾既畜  
而狼虺魚鼈罔有不具在野象物在朝象官在人象事於  
是備矣縣象著明莫大乎日月其徑當天周七百三十六  
分之一地廣二百四十二分之一日者陽精之宗積而成  
鳥象鳥而有二趾陽之精其數奇月者陰精之宗積而成  
獸象兔陰之精其數偶夫日譬猶火月譬猶水火則外光  
水則含影故月光生於日之所蔽也日生於日之所蔽當日  
則光盈就日則光盡衆星被照而水轉光當日之衝光常  
不合者蔽於地是謂暗虛在星微遇月月食日之薄地

闇其明也繇闇視明明無所屈是以望之若大方於中天  
天地同明繇明瞻闇闇還自奪故望之若小當夜而揚光  
在晝則不明也月之于夜與日同而差微星則不然強弱  
之差也衆星列布其以神著有五列焉是爲三十五名一  
居中央謂之北斗動變異占寔司王命四布于方爲二十  
八宿日月運行歷示吉凶五緯躔次用告禍福則天心于  
是見矣中外之官常明者百二十有四可明者三百二十  
爲星二千五百而海人之占未存焉微星之數蓋萬一千  
五百二十庶物昆蟲咸得繫命不然何以總而理諸夫三



光形存而有似珠玉神守精存麗其質而宣其明及其衰也神歇精斲于是乎有隕星然則奔星之所墜至則石矣文曜麗乎天其動者七日月五星是也周旋右迴天道者貴順也近天則遲遠天則速行則屈屈則留迴則逆逆則遲迫于天也行遲者觀之于東東屬陽行速者觀之于西西屬陰日旦而月夕此配合也攝提熒惑填星候晨見附于日也太白辰星候昏見附於月也三陽二陰三天兩地故男女取則爲萬星巡鎮必因常度苟或盈縮不逾于次故有司作使曰老子肆星周伯王蓬絮芮各壹星錯乎

緯之間其見無期其行無度審而察之然後吉凶宜用其詳可量也 蔡邕曰古之言天者三家曰宣夜曰蓋天曰渾天宣夜之學絕無師法蓋天術數具存考驗天狀多有違失獨渾天近得其理今銅儀卽其法也立八尺之圓體以具天地之形以正黃道察發斂行日月步五緯精深微妙百代不易之道也今按舜典在璇璣玉衡以齊七政則唐虞之時已用渾天之法其他妄說不待攻而自破矣 王蕃曰天地之體狀如鳥卵天包地外猶殼裏黃周旋無端其形渾渾故曰渾天周天三百六十五度五百八十九



分度之一百四十五半覆地上半在地下其二端謂之南極北極北極出地三十六度南極入地三十六度兩極相去一百八十二度半強繞北極徑七十二度恒見不隱繞南極七十二度恒隱不見赤道帶天之中去兩極各九十一度少強黃道者日所行也半在赤道內半在赤道外與赤道東交于角五度少強西交于奎十四度少強其出赤道外最遠者二十四度南斗二十一度是也是爲冬至日之所在其入赤道內最遠者二十四度并二十五度是也是爲夏至日之所在冬至日在丙斗二十一度去北極一

百一十五度少強是日最近于南去極最遠故景最長其道至斗二十一度出辰入申故日出辰入申晝行地上二百四十六度少強故日短夜行地下二百一十九度少強故夜長自南至之後漸漸而北故其景漸漸而短日行地上分數漸多夜行地下分數漸少故日漸長而夜漸短也稍北而極至于夏至日在東井二十五度去北極六十七度少強是日最近于北去極最近故景最短黃道至井二十五度出寅入戌故日出寅入戌晝行地上二百一十九度少強故日長夜行地下一百四十六度少強故夜短



北至之後漸漸而南故其景漸漸而長日行地上分數漸少夜行地下分數漸多故日漸短而夜漸長也稍南而極至於冬至又復如初斗二十一度井二十五度南北相竟四十八度春分日在奎十四度稍強秋分日在角五度少強此黃赤二道之交中也去極九十一度少強南北處斗二十一度井二十五度之中故景居二至長短之中奎十四度角五度黃道出卯入酉故日出卯入酉也晝行地上夜行地下俱一百八十二度半強故日見之漏五十刻不見之漏五十刻謂之晝夜同天之晝夜以日出爲分人之

晝夜以昏明爲限日未出二刻半而明已入二刻半而昏故損夜五刻以益晝是故春秋分晝漏五十五刻三光之行有常術家以筭求之各有異同故諸家曆法參差不一洛書甄曜度春秋考異郵皆云周天一百七萬一千里爲度二千九百三十二里七十一度步二尺七寸四分四百八十七分分之三百六十二冬至日之所在陸萬里北極下地高于外衡下地亦六萬里外衡高于北極下地二萬里天地隆高相從日去地常八萬里日麗天而平轉分冬夏之間日所行道爲七衡六間每衡周徑里數各依筭術







按太微垣十星在翼軫北下臨黃道張衡云天子之宮庭  
五帝之座十二諸侯之府也一曰軒轅爲權太微爲衡衡  
主平也其外藩九卿也隋志云又爲天庭理法平辭監升  
授德列宿受符諸神考節舒情稽疑也南藩中二星間曰  
端門東曰左執法廷尉之象也西曰右執法御史大夫之  
象也執法所以舉刺凶奸者也左執法之東左掖門也右  
執法之西右掖門也東藩四星南一星曰上相兩星間曰  
東華門其北東太陽門也第二星曰次相其北中華東門  
也第三星曰次將東北太陰門也第四星曰上將所謂四

輔也西藩四星南第一星曰上將其北西太陽門也第二  
星曰次將其北中華西門也第三星曰次相其北西太陰  
門也第四星曰上相亦四輔也又曰兩垣均明大小有常  
則吉東西藩有芒及搖動者諸侯謀天子也執法移則刑  
罰尤急兩藩開則兵起月五星入太微軌道吉其所犯中  
坐成刑謁者一星在太微內右執法東北主通賓客占不  
見則外國不賓服謁者東北三星曰三公內坐匡輔朝會  
之所居也張衡云以輔弼帝者其名與夾斗三公同三公  
北三星曰九卿內坐主治萬事占明大芒角則天下詞訟



三才圖會卷之一 五帝  
繁不明則紀綱亂不見則國亂無政九卿西曰五諸侯內侍天子不之國也辟雍之禮得則太微五諸侯明若枯燥不明則諸侯受殃動搖則藩臣擅命以干王者內屏四星在端門內帝座南近右執法屏所以擁蔽帝庭也占星明潤則君臣有禮不明反是帝座一星在太微中含樞紐之神天子動得天度止得地意從容中道則太微五帝之坐明以光帝坐不明人主當求賢士以輔治不然則致勢也又曰太微五帝坐小弱青黑天子國亾五帝內坐四星夾黃帝坐東方星蒼帝靈威仰之神也南方星赤帝赤標怒

之神也西方星白帝白招矩之神也北方星黑帝黑光紀之神也張衡云五帝同明而光則天下歸心不然則失位金火水入太微若順入軌道伺甘出之所守之分則爲天子所誅也帝坐東北一星曰幸心王親愛之臣也占明則幸臣用事微細則吉太子一星在幸臣西五帝坐北儲貳之星明而潤則太子仁賢不然則否金火守入芒角動搖太子不廢則爲篡逆之事從官一星在太子西北從官不見則帝不安如常則吉郎將一星在郎位東北所以爲武備張衡云今左右中郎將也占大明芒角將怒不可當也



虎賁一星在太微西藩之外上相之西下台之南靜室旄  
頭之騎官也張衡云主侍從之武臣也與車騎占同常陳  
七星如畢狀在郎位北天子宿衛虎賁之士以設強毅也  
占不見則兵出移動則天子自出明則武兵用微則武兵  
弱郎位十五星又云二十四星在太微中帝坐東北一曰  
依烏郎位也周官之元士漢之光祿散騎諫議議郎三者  
郎中是其職也張衡又曰今之尚書郎也欲其大小相勻  
光潤有常吉隋志云郎位主守衛也其星大明臣劫主又  
曰客犯上其星不具后妃死幸臣誅客星入之大臣為亂

明堂三星在太微西南角外天子布政之宮也明吉暗凶  
明堂西三星曰靈臺主觀雲物察符瑞候災變也占與司  
怪同少微長垣二坐星釋在張星之次三台六星兩兩而  
居起文昌列招搖太微一曰天柱三公之位也在天曰三  
台主開德宣符也一曰三能西近文昌二星曰上台為司  
命主壽次二星對軒轅曰中台為司中主宗室東二星抵  
太微曰下台為司祿主兵所以昭德塞違也又曰三台為  
天階太一疏以上下一曰泰階上階上星為天子下星為  
女主中階上星為諸侯三公下星為卿大夫下階上星為



士下星為庶人所以和陰陽而理萬物也其星有變各以  
 所主占之君臣和集如其常度張衡云光明而行列相類  
 則君臣和法令平不齊為乖度金火守之兵起彗孛尤甚  
 動搖移徙上台人主有憂中台宗室有亂下台為兵起一  
 曰台星失帝災在三公也





按北極五星在紫微宮中一名天樞一名北辰其紐星天之樞也天運無窮三光迭耀而極星不移故曰居其所而衆星共之也其第一星主月太子也第二星主日帝王也亦爲太乙之座也謂最赤明者也第三星主五星庶子也北極五星最爲尊也中星不明王不用事右星不明太子憂也其第四星爲后宮也第五星爲天樞張衡云二星竝爲後宮北極五星明大則吉變動則憂抱極樞四星曰四輔所以輔佐北極而出度修政也張衡云抱極之四星爲輔臣之位主贊萬幾小而明吉大明及芒角臣逼君暗則

政事不理天乙一星在紫宮門逼闔闔門右星之南天帝之神也主戰鬪知人吉凶者也占明而有光則陰陽和萬物成人主吉不然反是太乙一星在天乙南相近亦天帝神也主使十六神知風雨水旱兵革飢饉疾疫災害所主之國也占不明或移徙則有災星經云天乙太乙二星主王者卽位微則廢立不當其人變色則宗廟不享食矣紫微垣十五星其西藩七星東藩八星在北斗之北一曰紫微大帝之坐也天子之常居也主命主度也一曰長垣一曰天營一曰旗星爲藩衛備藩臣也宮闔兵起旗星直天



子出自將宮中兵張衡云紫微垣十五星東藩八西藩七  
其東藩近閭闔門第一星爲左樞第二星爲上宰第三星  
爲少宰第四星爲上輔第五星爲少輔第六星爲上衛第  
七星爲少衛第八星爲上丞其西藩近閭闔門第一星爲  
右樞第二星爲少尉第三星爲上輔第四星爲少輔第五  
星爲上衛第六星爲少衛第七星爲少丞皆以均明大小  
有常則吉若盛明則內輔盛也宮垣直而明天子自將兵  
垣開則兵起西藩正南開如門象若閭闔門有流星自門  
而出四野者當有中使銜命視其所適野而喻之也陰德

二星在紫微宮內尙書之西主施德周給者其占以不明  
爲宜明則新君踐位隋志云尙書西二星爲陰德陽德主  
周給賑撫又分爲二星矣又曰陰德星中宮女主之象動  
搖則釁起宮掖內妾惡之也門內東南隅五星曰尙書主  
納言諮謀龍作納言此之象也張衡云八星大臣之象其  
占與四輔不殊極東一星曰柱下史左右記君之過星明  
則史辭直不明反是柱史北一星曰女史婦人之微皆主  
傳漏故漢有侍史張衡云婦官也主記后宮之事占與柱  
史同御女宮四星在紫微宮內勾陳之東北八十一御妻



之象也其占明則多內寵不明則否晉志謂之御女官天  
柱五星紫微宮門內華蓋杠右旁近東垣北隅法五行晦  
朔晝夜之職明正則人民安陰陽調不然則司曆之過隋  
志云逮政教立國法之府也常以朔日垂禁令于天柱以  
示百司周禮以正歲之月示法象魏此之謂也大理二星  
在紫微門內次近陰德夾獄之官也星明則刑憲平不明  
則冤酷深勾陳六星在紫微宮華蓋之下隋志云後宮也  
大帝之正妃也太帝之常居也張衡云大帝之所居宮也  
亦將軍之象也明則吉暗則人主惡之勾陳口一星曰天

皇亦曰大帝其神曰曜魄寶主御群靈東方機神關也其  
星隱而不見見則爲災六甲六星在紫微宮內華蓋杠左  
旁掌分陰陽統時節明則陰陽和不明則寒暑易節五帝  
內坐五星在華蓋之下勾陳之上斧戾之象所以備宸居  
者也明正則吉變動則凶隋志云客星犯紫微宮中坐大  
臣犯主華蓋七星其杠九星合十六星如蓋狀在紫宮後  
門中臨勾陳之上所以覆蔽大帝之坐也明正則吉傾動  
則凶傳舍九星在華蓋前通天河賓客之館主胡人入中  
國客星守之備奸使亦曰胡兵起內階六星在文昌北天



皇之陛下也明則吉傾動則胡兵入紫微東垣北維外六  
星曰天廚天子百官之廚也見吉不見則膳不給八穀八  
星或曰八祭在紫微西藩之外五車之北其八星一主稻  
二主黍三主大麥四主小麥五主大豆六主小豆七主粟  
八主麻子明則八穀皆成暗則不熟一星不見則八穀不  
登八星不見則國人餬口天棊五星在女牀東北天子先  
驅所以禦難也不明則國兵起芒角則兵亂一曰主爭訟  
明大凶小吉天牀六星當闔闔門外主天子寢舍解息燕  
休之處星正大吉若有覆傾則人主不安一曰在宮門外

飛政之象也暗則凶內厨二星在紫微垣外西南角主六  
宮內飲食府也一云王后夫人太子飲宴居常無咎客星  
犯守之爲凶文昌六星在北斗魁前如筐形天之六府也  
主集計天道一曰上將大將軍建威武二曰次將尙書正  
左右三曰貴相太常理文緒四曰司祿司中司隸賞功進  
爵五曰司命司怪太史主滅咎六曰司寇大理佐理寶所  
謂一者起北斗魁前近內階者也占光色明潤大小均齊  
則天瑞臻百職理張衡云其占黃潤光明萬人安大小均  
天瑞降青黑細微多害搖動移徙大臣憂金火守入兵興



李慧犯國亂一曰文昌動則三公受誅后崩灾禍與三公同三公三星在北斗柄東又三公在北斗柄西卽三師并爲太尉司空司徒之象主變理陰陽弼君機務其星移徙吉居常安金火守之三公有凶隋志云杓南三星及魁第一星皆曰三公宣德化調七政和陰陽之官也太尊一星在中台之北貴戚也巫咸云聖公之象也居常爲安不見則凶金犯守爲灾貴賤相將敗者也天牢六星在文昌北斗魁中貴人之牢也主繩愆過禁暴淫與貫索同占明大則獄事煩不見則刑罰簡當中有小星則有貴人下獄太

陽守一星在相西大臣之象也主戒不虞設武備也動搖非其常則兵起明則吉暗則凶移徙則大臣誅勢四星在太陽西北刑餘人之用事也不明吉明則奄宦擅權相星在北斗第五星南隋志云相主總領百官掌邦教以佐帝王安邦集事也占明小則吉芒角張則臣強暗或不見則政事不理天槍三星在斗杓東一曰天鉞天之武備在紫宮左右所以禦難也大戈一星在招搖北北斗杓端亦曰天戈也主胡兵芒角大而動則畿內及四夷兵起其占與樓河同客星守之胡大敗北斗魁中四星爲貴人之牢



曰天理執法大臣之象亦爲貴臣之宰占明及動搖與其  
中有星者爲貴臣下獄不見則吉輔一星傳於開陽所以  
佐斗成功丞相之象也占欲其小而明若大而明則臣奪  
君政小而不明則臣不任職明大與斗合則國兵暴起暗  
而遠斗則臣死不死則奪若近臣專黨排賢用佞則輔生  
角近臣擅權欲謀宗社則輔生翼也北斗七星近紫微垣  
在太微之北七政之樞機陰陽之元本也故運乎天下而  
臨計四方以建四時而均五行齊節度定綱紀也魁四星  
爲璇璣杓三星爲玉衡天象號令之主是爲帝車取乎運

動之義也又魁第一星曰天樞二曰璇三曰機四曰權五  
曰玉衡六曰開陽七曰搖光一至四爲魁五至七爲杓樞  
爲天璇爲地機爲人權爲時玉衡爲音開陽爲律搖光爲  
星石氏云第一星爲正星主陽德天子之象也二曰法星  
主陰刑女主之位也三曰金星主禍福也四曰伐星主天  
理也五曰殺星主中央盼四旁殺有罪六曰危星主天倉  
五穀七曰部星亦曰應星主兵又云一主天一主地二主  
火四主水五主土六主木七主金又曰一主秦二主楚三  
主梁四主吳五主趙六主燕七主齊輔平開陽所以佐斗



成功也又曰主危正矯不平七政星明則國昌不明國殃  
斗欲多星則安斗中少星則人怨上天下多訟輔星明而  
斗不明臣強主弱斗明輔不明主強臣弱也杓南三星及  
魁第一星皆曰三公張衡云若天子不恭宗廟不敬鬼神  
則第一星不明若廣營宮室妄鑿山陵則第二星不明或  
變色若不愛百姓大興征役則第三星不明或變色若妄  
發號令不順四時不奉天道不務稼穡則第四星不明或  
變色若廢正樂務淫聲則第五星不明或變色若不勸農  
不務稼穡峻法濫刑退賢傷政則第六星不明或變色  
若不撫四方不安夷夏則第七星不明或變色凡日月暈  
連環及斗月暈及搖動兵起其旁及中小星多則天下多  
怨一云小星多天下安不然則國人散五曜及客星守入  
皆凶孛彗犯之天下易政四方兵起也



天市垣

北


南

牛

尾

東

西





按天市垣二十二星在房心東北主權衡又主國市聚眾  
交易之所一曰天旗庭主斬戮之事也市中星眾潤澤則  
歲實星虛則歲虛熒惑守之戮不忠之臣若怒角守之者  
臣殺主彗星出爲徙市易都客星入之兵大起出有貴喪  
張衡云天市明則市利急商人無利忽忽暗則反是市樓  
六星在天市中臨箕星之上主司闡闡明則吉暗則市利  
不理也隋志云市樓者市府也主市價律度其陽爲金錢  
陰爲珠玉變見各以所主占之車肆二星在市垣南門之  
內主車駕占明見則國車盡行隋志云主象賈之區宗正

二星在帝坐東南宗大夫也主司宗室之官彗星守之若  
失色宗室有事客星守動則天子親屬有變又曰客星守  
之貴人死又宗正明則宗室有秩暗則國家凶宗人四星  
在宗正東主錄親疎占如綺文而明正則族人有序動則  
宗人有變客星守之貴人死宗星二星在宗人北侯星之  
東去帝座少遠主宗室之象帝輔血脈之臣也占客星守  
之宗人不和帛度二星在宗星西北主度量明則尺量平  
商人不欺暗則否屠肆二星在帛度東北主烹宰明大則  
肆中多宰殺屠者得志侯一星在帝座東主輔臣伺陰陽







不爾虛耗金火犯之兵盜起盖屋二星在危南主天子宮  
室亦為宮室之官金守國兵起葺宇尤甚也

三才圖會卷之二  
天文下  
雲間元翰先生所纂集  
影寫義校正

三才圖會卷之二

天文下

堯典四仲中星圖

中星圖

經星季月圖

玉衡隨炁止圖

招搖圖

日月週天圖

七月流火圖

日月週天圖



五星通變圖

天地儀圖

天河圖

日月冬夏九道圖

日月次舍交會圖

大陽中道圖

二極圖

日蝕圖

月蝕圖

上弦圖

下弦圖

月朔圖

月晦圖

月望圖

明魄晦朔弦望總圖

冬夏風雨圖


盈虛納甲圖

日月雲氣色圖

堯典四仲中星之圖



堯典仲春中之星圖



三才圖會

天文二卷

東方七宿圖

北方七宿圖

西方七宿圖

雲間元翰父王圻纂集

曾孫編宸書較


三才圖會卷之二



東方七宿

角

北



亢

天門


西

平星

東



南






角二星十二度為主造化萬物布君之威信謂之天闕其  
門天門也其內天庭也故黃道經其中七曜之所行也其  
星明則太平芒動則國不寧日食右角國不寧月食左角  
天下道金火犯有戰敵金守之大將持政左角近天田  
爲理主刑其南爲太陽道五星犯之爲旱右角爲將主兵  
其北爲太陰道五星犯之爲水蓋天之三門猶房之四表  
也占其星明大則天下和平賢人在位或搖動移徙則王  
者出行左右角間二星曰平道爲天子八達之衢明正則  
吉動搖則法駕有虞天田二星在左右角北主天子畿內

封疆又云主天子之籍田占金水火守爲變金守之主兵  
火守之主旱水守之主潦平道西一星曰進賢在太微東  
華門之東主訪幽人薦賢士明則賢者在位暗則在野又  
曰主卿相主逸才周鼎三星在攝提西一曰攝提北國之  
神器也不見或移則運祚不寧天門二星在左角南主天  
之門爲朝聘待客之所占明則四方歸化不明則兵起邪  
佞生平星二星在天門東南庫樓北主平獄訟占廣狹有  
常則獄訟平天下理移徙變常則國失政庫樓十星其六  
大星爲庫南四星爲樓一曰天庫兵車之府也旁十五星



三三而聚者柱也中央四小星衡也主陳兵其占曰庫中  
 星不見兵四合無星則下臣謀上明而動搖則兵出四方  
 盡不見則國無君南門二星在庫樓南天之外門也主守  
 兵明則遠方入貢暗則夷狄叛客星守之主兵至



三才圖會卷之二 天文

四



亢四星九度日月五星之中道主天子內朝天下之禮法也又曰總攝天下奏事聽訟理獄錄功者也亦爲䟽廟主疾疫其星明大四海歸王輔臣納忠人無疾疫移動多病不見天下鼎沸而旱潦作矣大角一星在攝提間天王座也又爲天子梁棟所以正天紀綱又曰大角爲坐候占明潤黃盛則天下大同動移或變色天子有憂散搖五色王者流散金守之則兵起日食主凶亢南七黑星曰折威主斬殺斷軍獄占以金火守犯爲災金火守之夷狄犯邊將有棄市者攝提六星直斗之南主紀八節伺機祥又曰攝提爲盾所以夾擁帝座主九卿其色溫溫不明則天下安明而大則三公恣橫客星入之聖人受制一曰夾輔大角大臣之象頡頏二星在折威東南一曰頓頡主考囚察誠僞明則吉暗則濫刑陽門二星在庫樓東北主邊塞險阻之地客星出陽門夷狄犯邊



東




北

氏



天市垣

易



天輔



騎官二十七星



騎陣將軍



南

西

Faint vertical text on the right side of the page, likely bleed-through from the reverse side.



氏十六度下二尺爲五星日月中道爲天子之路寢明則大臣妃后奉君不失節如不見或動移則臣將謀內禍亂生矣日月食主內亂木犯之主后妃憂火犯臣偏上金犯拜將水犯百官憂客星犯婚禮不整彗星犯暴兵起月暈人不安一曰氏爲后妃之府前二星適也後二星妾也將有淫欲之事氏先動星明大則民無勞天乳在氏北甘露明則潤澤甘露降不見則水旱不節也招搖一星在梗河北次北斗柄端主胡兵芒角招搖欲與棟星梗河相應則胡人當受命於中國或變色搖動則甲兵大起梗河三星在

大角北天子以備不虞又曰天矛也其色變動有兵喪帝席三星在大角西北天子宴樂獻壽之所其星不見大臣失位亢池六黑星爲汎舟楫主迎送移徙則關梁有變騎官二十七星在氏南天子騎士之象星衆則安不見兵起陣車三星在氏南騎官北不見則兵車大起車騎三星在氏南騎官之下都車馬之將也金火犯爲災動搖車騎行天輻兩黃星在房西主鸞駕客星守之則輦轂有憂也騎陣將軍一星在騎官東南主騎將也搖動則騎將出不見則騎將死








房六度爲明堂天子布政之宮也下第四星上將也次次將也次次相也上星上相也亦四輔也南二星君位北二星夫人位又爲四表中間爲天衢之大道亦謂之天關黃道所經也南間曰陽環亦曰陽道其南曰太陽北間曰陰間亦曰陰道其北曰太陰七曜由乎天衢則天下和平由陽道則主旱喪由陰道則主水兵房星亦曰天駟爲天馬主車駕南星曰左驂次左服次右服次右驂亦曰天廐又主開閉爲蓄藏之所由也房星明則王者明驂星大則起兵星離則火流日月食主昏亂權臣橫彗孛犯之兵起下

二星爲陰五星犯之爲水上二星爲陽五星犯之爲門一星在房東北掌管籥司腹心喉舌占亾及不居其所則宮門不閉津梁不通房北二小星曰鈎鈐房之鈐鍵天之管籥主閉藏鍵天心也王者孝則鈎鈐明近房則天下同心遠則天下不和王者絕後房鈎鈐間有星及疎折則地動河清東咸西咸各四星在房心北日月五星之道也爲房之戶所以防淫佚也明則吉暗則凶日月五星犯守之有陰謀火守之兵起罰三星在東咸西南北而列主受金贖罪正而列則法令太平曲而斜行則刑罰不中日月星



在房中道前太陽之精主明德金火犯守之有憂從官二  
星在積卒西北主天子巫醫占明則巫醫擅威



東

西

南



心六度一曰大火天王位也中星曰明堂為大辰天子之  
 正位也前星為太子不明則太子不得位後星為庶子明  
 則庶子繼心上四尺為日月五星之中道中心明則化成  
 道昌直則地動移徙不見國凶又曰星變黑色夫人有憂  
 直則王失勢動則國有憂離則民流金火犯血光不止土  
 木守吉火星守之國無主客星及孛犯天下兵荒積卒十  
 二星在房星西南天子五營軍士也微而小則吉明大動  
 搖兵大起一星凶兵出二星凶兵半出三星凶兵盡出他  
 星守之兵大起近臣誅





尾十九度后妃之府後宮之場也北之一丈爲天之中道上第一星后也次三星夫人也次則嬪妾尾亦爲九子星色欲均明大小相仍則后妃無妒忌後宮有序多子孫星微細暗后有憂疾疎遠則后失勢動則君臣不和天下亂就聚則大水木犯之及月暈則后妃死火犯宮中內亂土犯吉水犯宮中有事客星犯大臣誅日月食主饑一日金火守之後宮兵起龜五星在尾南漢中主占定吉凶明則君臣和不明則爲乖戾凶則赤地千里火守之兵起在外守之兵罷天江四星在尾之北主太陰不欲明明而動水

暴出參差則馬貴其星一具則津河關道不通火守之兵客星入河津絕傳說一星在尾後河中主后宮女巫祀祀神靈祈禱子孕故曰主後宮之內祭祀以求子孫詩云克禋克祀以弗無子此之象也其星明大王者多于孫小而暗後宮少子動移則後宮不安星搖則天子無嗣魚一星在尾後河中主陰事知雲雨之期也大明則陰陽和風雨時暗則魚多搖動則大水暴出出漢中則大魚多死火守在南則旱在北則水起

○按傳說一星惟主後宮女巫禱祀之事謂之傳說者古



有傳母有保母傳而說者謂傳母喜之也今之婦人求  
 子皆祀婆神此傳說之義也偶商之傳說與此同音諸  
 子家更不詳審其義則曰傳說騎箕尾而去殊不知箕  
 尾專主后宮之事故有傳說之佐焉





箕四星十一度亦謂天津後宮后妃之位上六尺爲天之  
 中道箕一曰天箕主八風凡日月星在東壁翼軫者風起  
 又主口舌主客蠻夷胡貊故蠻夷將動先表箕馬星大明  
 直五穀熟君無讒間暗則無君世亂穀貴蠻夷不服內外  
 有差就聚細微天下憂動則夷有使來離徙則人流移若  
 入河國災人相食月暈金火犯之兵起流星犯大臣叛月  
 宿其野風起杵三星在箕南主杵春之用縱爲豐橫爲饑  
 移徙人失業不見人相食客星入杵白天下有急變糠一  
 星在箕口前杵白西北明則豐暗則饑不見人相食

北方七宿






斗二十五度天廟也亦曰天機六星貫于日月正道爲永  
相太宰之位酌量政事之宜褒進賢良稟受爵祿又主兵  
南二星魁天梁也中二星天相也北二星天府庭也亦爲  
壽星之期將有天子之事占於南斗星盛明君臣一心天  
下和平爵祿行苾角搖動天子愁兵起移徙大臣逐日月  
五星逆入斗天下流蕩字犯之兵起星小暗則宰相廢及  
死驚十四星在南斗南爲水蟲婦大陰有星守之云主有白衣  
會有水火守之早建六星在斗背亦曰天旗臨於黃道天  
之都關也建斗之間七曜之道建爲謀事爲天鼓爲天馬

南二星天庫也中央二星帝也鍊鎖也上二星旗附也建  
動搖則人勞月暈之蛟龍見牛馬疫月食五星犯守大臣  
相譖臣謀主關梁不通有大水天弁九星在建星北入河  
中宮之長也主列肆闌闐若帝藉之事以知帝珍也星明  
則吉彗犯之糴貴兵起天雞二星在狗國北主候時也金  
火守之兵大起天籥八星在斗南杓西主鎖鑰開閉明吉  
暗凶狗國四星在建東北主鮮卑烏桓沃旦明則邊寇作  
金火犯守外夷有變太白逆守其國亂客星犯守之有大  
彗其王必來天淵十星在驚東南一曰天海主灌溉火守



之大旱水守之大水一曰主海中魚鱉狗二黑星在斗魁  
 前主吹守禦奸回也不居常處為大災農丈人一星南斗  
 西南老農主稼穡也占與糠畧同



天官

天



牛七度天之關梁日月五星之中道主犧牲其北二星一  
曰卽路一曰聚火又曰上一星主道路次二星主關梁次  
三星主南越甘氏曰上一星主道路次二星主關梁次三  
星主南夷中一星主牛移動則牛多殃明大則王道昌其  
星曲則糴貴又曰星明大則關梁通牛貴怒則馬貴不明  
失常穀不登細則牛賤中星移上下牛多死小星亾牛多  
疫月暈損犢金火犯之兵災水土犯之吉天田九星牽牛  
南太微東主天子畿內之田其占與角之天田同九坎九  
主在天田南主溝梁所以導達泉源流瀉盈溢明盛則

有水災夷狄侵邊不明則吉河鼓三星在牽牛北天鼓也  
主事鼓及鐵鉞一曰三武主天子三將軍中央星爲大將  
軍左星爲左將軍右星爲右將軍左星南星也所以備關  
梁設險阻以拒難也明大光潤將軍吉移動則亂兵起直  
則將有功曲則將失律左旗右旗各九星在河鼓左右皆  
天之旗鼓也旗星明潤將軍吉動搖兵起怒則馬貴旗端  
四星南北列曰天桴鼓桴也星不明漏刻失時動搖軍鼓  
用桴鼓相直亦然織女三星在河北天紀東端天女也主  
果蓏絲綿珍寶也王者至孝神祇咸善則織女星俱明天



下和平大星怒角布帛貴又曰三星俱明女功善暗而微  
 天下女功廢不見兵起西足四星曰漸臺臨水之臺也主  
 刻漏律呂之事占明則陰陽和律呂正不見則反是東足  
 五星曰輦道天子嬉游之道金火守之御路兵起羅堰三  
 星在牽牛東主堤塘壅蓄水源灌溉田苗大而明大水汎  
 溢

○按張衡云牽牛織女七月七日相見即此也古雅云河  
 鼓謂之牽牛又歌曰東飛伯勞西飛燕黃姑織女時相  
 見黃姑即河鼓也






女十一度下九尺爲日月中道天之少府也謂之須女者  
賤妾之稱婦職之卑者也主婦女之位其星如婦功之式  
主布帛裁製嫁娶星明天下豐女功昌小暗則國藏虛移  
動則婦女受殃產死者多后妃廢日月食國憂木犯立后  
火犯女喪金犯災土字犯損蠶月暈婦人災又曰水守萬  
物不成火守之布帛貴人多死土守之有女喪金守之兵  
起十二國有十二星有一星在九坎之東齊北二星曰趙  
趙北一星曰鄭鄭北一星曰越越東二星曰周周東南北  
列二星曰秦秦南二星曰代代西一星曰晉晉北一星曰

韓韓北一星曰魏魏南一星曰燕其星有變各以其國而  
論災也離珠五星在須女北須女之藏府也爲女子之星  
非其故後宮亂客星犯之後宮凶瓠瓜五星在離珠北主  
陰謀主後宮主果食明則歲熟微則后失勢瓜果不登客  
星守之魚鹽貴旁五星曰敗瓜主種與瓠瓜畧同天津九  
星在虛危北橫漢中津梁所度明而動則兵起如流沙人  
死如亂麻參差不齊馬貴一星不備關梁不通三星不備  
天下覆陷星亾水災河溢水賊稱王奚仲在天津北右車  
正也金火守之兵車必起扶筐七星近紫宮西藩之外與



天厨相比主蠶事占明則吉暗或移徙則絲綿不成不見則女工失業

○按天之所覆者廣而華夏所占者牛女下十二國耳牛女在東南故釋氏謂華夏為南瞻部洲其二十八宿所屬者多十二國之分野隨其所隸耳






虛九度小強冢宰之象也主邑居廟堂祭祀之事又主風  
雲死喪下九尺爲天之中道明淨則天下安動搖則死喪  
哭泣日月食兵起流星犯賊亂宗廟五星犯有災虛北二  
星曰司命主舉過行罰滅不祥又北二星曰司祿主爵祿  
增年延德皆冥司之職故在六宗之祀司危二星在司祿  
之北主驕佚司非二星在司危之北主愆過凡此四星皆  
黑星明大爲災居常則平南二星曰哭主號哭也哭東二  
星曰泣主死明則國多哭泣金火守之亦然泣南十三星  
曰天壘城如貫索形主北夷丁零匈奴占變動則夷人犯  
塞敗曰四星在虛危南主凶災他星守之飢兵起秦代東  
三星南北列曰離瑜離圭衣瑜玉飾皆婦人之服星也微  
則后宮儉約大則婦人奢侈



天官圖卷之三



天官圖卷之三





危十六度主天府天市架屋甘氏云爲天市廟堂下九尺  
爲天之中道主架屋受藏風雨墳墓祠祀如動則天下大  
動土工張衡云虛危星爲死喪哭泣之事亦爲邑居廟堂  
祠祀之事冢宰之官動則死喪哭泣火守則天子將兵余  
守則饑饉兵起虛危動則有土工水守則下謀上一云危  
動而不明土工兵革起月暈日月五星犯卽有災車府東  
南五黑星曰人星如人象主衆庶靜則柔遠能邇一曰臥  
星主防淫不見則人有詐行詔書明則人安暗則凶杵三  
星在人星旁主軍糧占正直吉不相當糧絕不直民饑曰

四星在人星東南主春曰之用占覆則大饑仰則大豐隋  
志云客星入杵曰兵起天下聚米天津東南七星曰車府  
東近河邊首抵司非尾指天鈞主官車之府余火守之兵  
車大動天鈞九星如鈞狀在造父西河中主輦乘服飾法  
式直則地將動明則服飾正也傳舍南河中五星曰造父  
御官也一曰司馬或曰伯樂星亾馬大貴明則吉墳墓四  
星在危下如墓形主喪葬之事明則多死亾虛梁四星在  
蓋屋南主園陵寢廟非人所處故曰虛梁余火守犯兵災  
火起天錢十星在虛梁西南主錢帛所聚占明則府庫盈



不爾虛耗金火犯之兵盜起蓋屋二星在危南主天子宮  
 室亦為官室之官金守國兵起彗孛尤甚也



天宮

三




室十七度亦謂之營室甘氏曰爲太廟天子之宮也石氏  
謂之元宮一曰清廟又爲軍糧之府又土工事星明國昌  
小不明祠祀鬼神不享國多疾疫動則有土工兵出野離  
宮四星兩兩居之分布室壁之間天子之別宮也主隱藏  
休息之所金火守入則兵起室南六星曰雷電主與雷動  
蟄明動則震雷作角動則雷電非時擊物壘壁陣十二星  
在羽林北橫列營室之南天之垣壘也星衆而明則安寧  
希而動則兵革起不見天下亂五星入天軍皆爲兵起金  
火水尤甚羽林軍四五星三三而聚散在營室之南天

軍也主軍騎又主翼王也星衆而明則安寧希而動則兵  
革起不見天下亂金火水守入兵起鈇鉞三星亦曰鈇鎖  
在八魁西北主誅夷不明則斧鎖不用移動則兵起有星  
入之爲大臣誅北洛帥門一星在羽林西南天之藩落也  
亦曰天軍藩之候門長安北門曰北洛門以象此也主非  
常以候兵明大則軍安微弱則兵起金火守之有兵災一  
曰有星守之虜入塞北洛東南九黑星曰八魁主張禽獸  
之官也客星入之多盜賊兵起金火入亦然北洛側一星  
曰天綱主武帳天子游獵之所金火守之則兵起室西南



二星曰土公吏主土工之官也搖動則有修築之事隋志  
 云土公吏主司過失金火守之為災騰蛇二十二星在營  
 室北若盤蛇之狀居於河洛謂之天蛇星主水蟲微則國  
 安明則不寧移南大旱移北大水客星守之水雨為災水  
 物不收






壁九度九尺下為天中道主文章天下圖書之秘府亦主  
 土工明則圖書集道術行小人退君子進失色大小不同  
 天子重武賤文圖書隱蔽回邪用事星動則有土工離徙  
 就聚為田宅事日月食損賢臣五星孛犯兵起土公西南  
 五星曰霹靂主興雷奮擊明而動則兵興不明則吉霹靂  
 南四星曰雲雨明則多水火守之大旱土公二星在壁南  
 主土工之官占動搖則土工作天廐十星在東壁北蓋天  
 馬之廐今之驛亭明而動則郵驛有兵事鈇鑕五星在天  
 倉西門刈具也主斬芻飼牛馬明則牛馬肥暗則損粟

西方七宿

西

奎






奎十六度天之武庫也石氏謂之天豕亦曰封豕主兵九尺下爲天之中道又主溝瀆西南大星謂天豕目亦曰大將占明則天下安動則兵亂開闔無常則有白衣稱命於山谷者客星守入兵起金火守有水災隋志云若帝淫佚政不平則奎有角角動則有兵不出年中若燄燄有光則近臣謀上又或有溝瀆之事又曰奎中星明水大出日月食五星犯皆有凶奎南七星曰外屏以蔽天溷也占與天溷同天溷七星在屏南天之厠也不見則人不安移徙亦然天溷南一星曰司空主水土之事大而黃明天下安客

星入之多土王天下大疫軍南門一星在天將軍西南主淮河出入搖動則軍行不見則兵亂閣道六星在王良前飛道也從紫宮至河神所乘也一曰王道星張衡云天子游別宮之道又曰王良旌又曰紫宮旗亦所以爲旗表而不欲其搖動一星不具則輦道不通動搖則宮掖之內兵起附路一星在閣道南旁別道也備閣道之敗覆而乘之也一曰太僕主禦風雨亦游從之義也占與閣道同王良五星在奎北居河中天子奉車御官也其四曰天駟旁一星曰王良亦曰天馬其星動爲策馬故曰王良策馬亦曰



王梁梁為天橋主禦風雨水道故或占津梁其星移主有  
 兵亦曰馬病客星守之橋梁不通金火守之皆兵憂前一  
 星曰策王良御策主天子僕御在王良旁若移在馬後是  
 謂策馬搖動或移徙則為兵也





婁十二度下九尺爲日月中道亦爲天獄主苑牧犧牲供  
給郊祀亦爲興兵聚衆動搖則聚衆星直則有執主之命  
者就聚則國不安金火守之則宮苑之內兵起日月食宮  
內亂金木火土犯凶水犯吉字入兵起月暈兩軍各退左  
更五星在婁東山虞也主山林澤藪之事亦主知仁 右  
更五星在婁西牧師也主養牧牛馬亦主禮義火守之山  
澤有兵其占兩更同兩更者秦爵名天倉六星在婁南倉  
穀所藏也占星黃相近則歲大熟開則饑中多小星則穀  
多少則虛耗明則豐暗則歉不見則大饑天倉西南三星  
曰天庾積粟之所占與天倉同天將軍十一星在婁北主  
兵大星天之大將外小星吏士也占微暗則兵將亾大將  
星搖兵起將出小星不具兵起








胃十五度天之廚藏五穀之倉也又名大梁占明則四時  
和平天下晏然五穀豐稔不明則上下失位星小則穀輸  
運又云動有運事就聚則穀貴人流小則穀少暗則凶荒  
五星犯日月食字侵竝有災天廩四星在胃南一曰天層  
張衡云主積蓄黍稷以供享祀春秋所謂御廩也占與天  
困同天困十三星在胃南倉廩之屬主給御糧也明大而  
光潤其色黃則歲豐微變常色則不吉爲饑饉中多小星  
則穀食多金火守入災卽起太陵八星在胃北一曰積京  
主陵墓明而大或中星多或芒角動搖則天下多死喪兵

大起天船九星在大陵北居河中一曰兵星主渡亦主水  
旱不在河中津河不通水泛溢或曰占明大則水泛溢中  
四星欲其均明則天下安不明則兵喪移徙亦然客彗入  
爲大水有兵大陵中一星曰積尸占明則人死如山張衡  
云一名積廩積尸明而大其旁星多則天下人多死喪或  
兵起火守之大疫天下多哭泣若不見而暗皆吉天船上  
一星曰積水主候水災占明大則兵水俱起








昴十一度下爲日月中道天之耳目也主西方又爲旄頭  
胡星也又主喪主獄甘氏云主口舌奏對若大而明則君  
無佞臣天下安和暗小則近臣被誅搖動則君信讒殺忠  
良張衡云昴明則獄訟平暗則刑罰濫六星與大星等大  
水主有白衣之會七星黃兵大起動搖有大臣下獄大而  
俱動若跳躍者胡兵大起一星不見皆兵喪之象也天阿  
一星在昴南天陰西皆黑星竝主人禍福又曰主察山林  
妖變不見則陰陽不和天陰五星在畢柄西主從天子弋  
獵之臣預陰謀也占不明則吉明則禁言漏泄天苑十六

星在昴畢南如環狀天子之苑圍養禽獸之所也主馬牛  
羊明則馬牛羊盈希則死芻藁六星在天苑西以供牛馬之  
食也一曰天積天子之藏府也星盛則歲豐穰希則貨財  
散張衡云不見則牛馬暴死火守之則火災起卷舌六星  
在昴北河中天讒之外主口語以知讒佞張衡云主樞機  
曲而靜則賢人用直而動則讒人得志卷舌移出漢則天  
下多妖佞之言其旁星繁則人死如丘山天隕一星或曰  
天讒在卷舌中主醫巫占與從官同礪石四星在五軍北  
主磨礪鋒刃明則兵起如常則吉金火及客星守之兵動







畢八星十七度主邊兵主弋獵又主刑罰其大星曰天高一曰邊將主四夷之尉也星明大則夷來貢天下安失色則遠兵亂一星亾則爲兵喪動搖邊域兵起有讒臣離徙天下獄亂就聚法令酷甘氏云畢主街巷陰雨天下雨師也故明而移動則霖潦及街壅塞明而定則天下安張衡云畢爲天馬又爲罕車日月食邊兵出將衰木犯有軍功月宿則多雨昴畢間二星曰天街三光之道也主伺候關梁張衡云主國界也街南爲華夏街北爲夷狄金火守之胡夷兵起明則王道正暗則兵起移徙不見則關梁斷絕

附耳一星在畢下或曰附畢口大星之下次天高東南隅主爲君德得失伺愆邪察不祥星盛大則中國微有盜賊邊候驚邦國反聞兵連年移動則讒佞行兵火起邊陲尤甚若入畢中兵大起天節八星在畢南或曰在附耳南主使臣之所持也宣威德於四方明吉暗凶諸王六星在五車南天漢之中主宗社藩屏王室也察諸侯存亾占明則諸侯奉上天下安不見或暗則宗社傾危臣下專擅動搖則四方兵起天高四星在參旗西北或曰在座旗西北近畢北臺榭之高主遠望氣象占不見則官失其守陰陽不



和五車五星在畢東北五車爲五常合舍主天子五兵又  
主五穀豐稔張衡云天子兵車舍也西北角大星曰天庫  
主太白秦也次東北星曰天獄主辰星燕也中央星曰司  
空主鎮星楚也次東南星曰天倉主歲星魯衛也次西南  
星曰卿主火或曰主熒惑魏也五車爲西宮均明則吉暗  
則國絕糧動搖或變色則兵大起蓋五星有變各以其所  
主而占之三柱九星在五車中一曰三泉一曰休一曰旗  
車之柱也五星均明柱皆具則倉庫實不具則其國絕食  
且兵起天子得靈臺之禮則五車三柱均明也五車三柱

有變各以其國占之三柱出車外則兵出三柱入車內兵  
乃入柱出一月米貴三倍饑一年出兩月米貴六倍饑二  
年出三月米貴十倍饑三年柱出不與天倉相近米穀運  
出千里柱倒立尤甚火入守天下旱金入守兵起水入月  
暈主大水不爾則有赦天潢五星或曰天漢在五車中主  
河梁津渡之處占不見則河梁不通咸池三星亦在五車  
中天潢南魚鳥之囿也金火犯之則有大災隋志云月五  
星入天潢兵起道不通天下亂易政或曰咸池明有龍墮  
死虎狼害人大兵起天關一星在五車東南畢東北亦曰



天門日月五星所行之道也主邊塞事主關閉占芒角有  
 兵五星守之貴人多死移徙若與五車合大將軍披甲或  
 曰破甲參旗九星在參西五車之間天旗也指麾遠近以  
 從命者也占直則兵動於外曲直不如常則王者斬伐不  
 當於理明而希則邊寇作芒角動則兵大起隋志云參旗  
 一曰大旗一曰天弓主司弓弩候變禦難玉井西南九星  
 曰九旂天子之旗也主邊軍進退占搖動則九州分散人  
 民失業信令不通金火守之兵起天苑之南十三星曰天  
 園衝曲而列植果菜之所也占曲而鈎果菜熟否則饑





觜一度為白虎首在參之右角如鼎足形主天之關明大  
 則天下安五穀熟移動則君臣失位天下旱隋志云觜觶  
 為三軍之候行軍之藏府主葆斂萬物明則軍儲盈  
 將得勢動搖而變色盜賊群行葆斂起動搖將有逐者張  
 衡云葆斂野生之可食者金火守國易政兵起災生日食  
 臣不忠月食君害臣五星犯災生孛客星犯兵起座旗九  
 星在司怪西北主別君臣尊卑之位占明則國有福或曰  
 有禮暗或不見則上下無章司怪四星在井鉞前候天地  
 日月星辰禽獸蟲蛇艸木之變與天高同占





參七星伐三星十度上爲五星日月之中道甘氏曰參爲忠良孝謹之子明大則臣忠子孝移動殺忠臣一曰參伐一曰大辰一曰天帝一曰天鉞主斬刈又爲天獄主殺伐又主權衡所以平理也又主邊城爲九譯故不欲其動也參曰獸之體或曰白虎之體其中三星橫列者三將軍也東北曰左肩主左將軍西北曰右肩主右將軍東南曰左足主後將軍西南曰右足主偏將軍故黃帝占參應七將軍也或曰軒轅氏中央三小星曰伐天之都尉也主朝鮮戎狄之國故不欲明又曰七將皆明天下兵精也王道闕

則芑角張伐星明與參等大臣謀亂兵起參星失色則軍散敗參芑動搖則邊堠有急天下兵起差戾則君臣不和移徙則客伐主又曰斬伐之事參左足入玉井中兵大起秦地大水崩頽山石爲怪金火來守則國易政兵起災生日月食則田荒米貴五星犯災甚玉井四星在參西足下水象也參足若突出玉井則虎狼暴害人屏二星在玉井南屏爲屏風客星入之四尺蟲大疾人亦多死不見則國內大人寢疾玉井東南四星曰軍井行軍之井也軍井未達將不言渴名取此也又曰主軍營之事占不見則軍中



無水天廁四星在屏東溷也主天下疾病黃吉青赤白皆  
凶不見占與屏同天屎一星在廁南色黃則吉他色皆凶  
占與廁同



水大原  
山不見  
古則同



